

**QORAQALPOG`ISTON
RESPUBLIKASI
AMUDARYO TUMANI HOKIMI
Q A R O R I**



**QARAQALPAQSTAN
RESPUBLIKASI
ÁMIWDÁRYA RAYONÍ HÁKIMI
S H E S H I M I**

2022 - yil 21 - aprel

98-13-181-Q/22

Amudaryo tumani hokimligi

**Qoraqalpog`iston Respublikasi Vazirlar Kengashining 2022-yil 15-aprel kungi
198-13-0-Q/22-sonli qarori haqida**

Qoraqalpog`iston Respublikasi Vazirlar Kengashining 2022-yil 15-aprel kungi “O`zbekiston Respublikasi Vazirlar Mahkamasining 2022-yil 11-apreldagi “Volontyorlik faoliyatini yanada qo`llab-quvvatlash chora-tadbirlari to`g`risida”gi 169-son qarori haqida” 198-13-0-Q/22-sonli qarori ijrosini ta`minlash maqsadida

QAROR QILAMAN:

1. Qoraqalpog`iston Respublikasi Vazirlar Kengashining 2022-yil 15-aprel kungi “O`zbekiston Respublikasi Vazirlar Mahkamasining 2022-yil 11-apreldagi “Volontyorlik faoliyatini yanada qo`llab-quvvatlash chora-tadbirlari to`g`risida”gi 169-son qarori haqida” 198-13-0-Q/22-sonli qarori ijro uchun rahbarlikka olinsin.

2. Tuman hokimining o`rinbosarlari (M.Shermetov, N.Kamalov) va tumandagi davlat organlarining yoshlar bilan ishlashga mas`ul bo`lgan rahbar o`rinbosarlariga (maslahatchilariga) volontyorlar bilan ishlash vakolati yuklatilsin va uning doirasida ularning asosiy vazifalari etib quyidagilar belgilansin:

davlat organi faoliyati bilan bog`liq volontyorlik dasturlarini tayyorlash va tasdiqlash uchun davlat organi rahbariga kiritish;

davlat organi tomonidan volontyorlar ishtirokida ijtimoiy ahamiyatga molik tadbirlar, loyihalar va aksiyalar o`tkazilishini tashkil etish;

davlat organi faoliyatini amalga oshirishga jalb etiladigan volontyorlarning huquq va erkinliklariga rioya etilishini ta`minlash;

davlat organi faoliyatini amalga oshirishga jalb etiladigan volontyorlar tomonidan ushbu qaror bilan tasdiqlangan nizom talablariga rioya etilishini nazorat

qilish;

davlat organining vazifalari va funksiyalarini volontyorlik orqali samarali va tejamli shaklda amalga oshirish yuzasidan takliflar kiritish;

davlat organi faoliyatini amalga oshirishga jalb etiladigan volontyorlarni moddiy va ma'naviy jihatdan rag'batlantirish to'g'risida takliflar kiritish.

3. Tuman hokimining o'rinbosari (M.Shermetov) tumandagi korxonalar va tashkilot rahbarlari bilan birgalikda:

a) bir oy muddatda:

O'zbekiston Respublikasi Vazirlar Mahkamasining 2022-yil 11-apreldagi "Volontyorlik faoliyatini yanada qo'llab-quvvatlash chora-tadbirlari to'g'risida"gi qaror bilan tasdiqlangan namunaviy nizom asosida davlat organining vazifalari va funksiyalaridan kelib chiqib ularni volontyorlik orqali nisbatan samarali va tejamli shaklda amalga oshirish tartibi to'g'risidagi nizomlarni;

volontyorlar jalb etiladigan yo'nalishlar ro'yxatini hamda ichki yo'riqnomani ishlab chiqsin va tasdiqlasin;

b) har yili davlat organlarining vazifalar va funksiyalarini samarali amalga oshirishga ko'maklashgan faol volontyorlarni rag'batlantirish choralarini ko'rsin.

4. Mazkur qarorning bajarilishini nazorat qilish tuman hokimining o'rinbosari M.Shermetov zimmasiga yuklatilsin.

Tuman hokimi



S.YO'LDASHEV